

Leev Tante Finchen,

de äldes Kompanie von dinn Schötze, de Hubertus – Kompanie, hätt en Jongzellekur erhalde. Do solle sech met denne Alde – jetz schon ens öber 15 Männekes – on m'r kann nur staune – Wiewerkes zosammejefonge hann, die d'r Kompanie e neu Läwe enhauche wolle. No dem Siechdom von de letzte Johre es dat em Prenzep voll zo bejröße – och ech feng dat ächt doll!




Äwwer wo send de Lütt op emol all' us de Löckskes jekroche? Wenn do dann jenauer henger de Kulissee kickst, dann dehste do schnell fessstelle, dat send fass allemole bekannte Jesechter, die nur ens de Fakultät jewechselt hant. Als nit zo de Schötze jehörend, fröschst sech de ene oder angere: „Wer hätt denn do an de Schruuv jedriecht?“ Äwwer wenn d'r Ex – Ehrenchef wößt, dat do jetz bei denne Jröne –Wiewer- en Monteerong erömloufe, ech jlöv, dä fänd' dat net e so joot!

Wechselfeever och em Vörstand. Et jövt ene neue Obrest, ne neue 2. Scheeßmeester, en neue Jongschötzeameesteren on e neu Majörke. Dat Rad driecht sech!

Lev Tant' , sit Johre kannste räjelmäßich em Benroder Dareblatt öwer dat dolle neue Sportzentrom op de Bezerkssportanlach am Wald nohlähse. Bes jetzwohr dat äwwer alles heeße Loft! D'r Öwerbörjermeester hätt em April 2010 lauthals d'r baldije Baubejenn verköndet. De Krönong von de vollmondije Anköndijonge woher letzt Johr! De Hasselser Bevölkerung woher per Plakat zor Jrondsteenläjong enjelade. Klammheemlech kohm de Röckrofakzjon, do schon wedder de erforderleche Baujenähmijong von de Stadt trotz möndlecher Zusach, noch nit ens schreftlech vörloch.

Diss Dach verzällt mech dä schäle Willi, do weeiß, dä met dem lenke Och dat Jeld us de rähde Täsch treckt, dat de Leidensziet vom SG Benrod–Hassels – ech krieje emmer noch et Zucke beim Schriewe von dem Vereensnom – sech dem Eng zoneije deht. De Parkplatzsorje wöhren usjerömmt, de notwendeje Rodongsahbiede hätten bejonne, on op de Heemsitt von dem Sportclub wöhd janz stolz jeschreewe: „De Baujenähmijong litt vöhr.“ Ech loß mech ens echt öwerrasche!



So leev Tant, esch emol jenoch jeschreewe, mer send ons wie emmer zom Schötzfest – schöne Jroß och am Ohme Jupp – bes bald.

Di Hänschen